




БОГ В ПОМОЩЬ

МОЛИТВЫ ДЛЯ ЖИЗНИ,
ЗДОРОВЬЯ И СЧАСТЬЯ



Бог в помощь. Молитвы для жизни, здоровья и счастья

ТД "Белый город"

2009

УДК 86.372
ББК 27-53

Бог в помощь. Молитвы для жизни, здоровья и счастья / ТД
"Белый город", 2009

Непрестанно молитесь — заповедовал нам апостол Павел (1 Фес. 5, 17). В горе и радости, беде или нужде мы всегда обращаемся к Богу с благодарственной или просительной молитвой. И Господь, по милости Своей, пошлет нам то, в чем мы нуждаемся: будь то здоровье, семейное благополучие или новое место работы. В этой книге собраны самые общие молитвенные обращения к Господу, Богоматери, Небесным бесплотным силам, всем чинам святости, а также помещены молитвы в самых различных жизненных нуждах.

УДК 86.372
ББК 27-53

, 2009
© ТД "Белый город", 2009

Содержание

Общие молитвы, тропари, кондаки и величания Господу, Божией Матери, святым угодникам Божиим и бесплотным небесным силам	5
Молитвы ко Господу Богу	5
Молитва Богу Отцу	5
Молитва Богу Сыну	6
Молитва Богу Духу Святому	6
Молитва Пресвятой Троице	6
Молитва иная Пресвятой Троице	7
Молитва первая ко Господу Иисусу Христу	7
Молитва вторая ко Господу Иисусу Христу	7
Молитва третья ко Господу Иисусу Христу	8
Молитва четвертая ко Господу Иисусу Христу	8
Молитва пятая ко Господу Иисусу Христу	8
Молитва шестая ко Господу Иисусу Христу	9
Молитва седьмая ко Господу Иисусу Христу	9
Молитвы Господу Иисусу Распятому	9
Молитва воскресшему Спасителю	10
Молитвы Иисусу Сладчайшему	11
Конец ознакомительного фрагмента.	12

Бог в помощь. Молитвы для жизни, здоровья и счастья

Автор-составитель Т.С. Олейникова

**Общие молитвы, тропари, кондаки и величания
Господу, Божией Матери, святым угодникам
Божиим и бесплотным небесным силам**

Молитвы ко Господу Богу

Молитва Богу Отцу

Всемогущий Владыко, Премудрый и Всеблагий Господи, Светоначального Сына Пребезначальный Родителю и Животворящего Духа Твоего вечный, присносущный Самоизводителю, Егоже величество неисчисльно, слава несказанна, и милость безмерна. Благодарим Тя, яко воззвал еси нас от небытия и почтил еси драгоценным образом Твоим, яко даровал еси нам, недостойным, не точию познавати и любити Тя, но еже сладостнейше есть, и Отцем своим нарицати Тя.

Благодарим Тя, Боже милосердия и щедрот, яко преступивших заповедь Твою, не оставил еси нас посреде греха и сени смертныя, но благоволил еси Единородного Твоего Сына, Имже и веки сотворены суть, послати на землю нашего ради спасения, да, вочеловечением Его и страшными страданьями, мучительства диаволя и тли смертныя свободимся. Благодарим Тя, Боже любви и сил, яко, по вознесении на небо дражайшаго Спасителя нашего, умолен быв Крестом Его, низпослал еси и Духа Твоего Пресвятаго на избранные Его ученики и апостолы, да, силою богодухновенныя проповеди их, озарят весь мир нетленным светом Евангелия Христова. Сам убо, Человеколюбивый Владыко, услыши ныне смиренную молитву недостойных чад Твоих, да якоже создал еси нас за едину Твою благость, искупил еси ны за едино благоутробие Твое, тако и спасеши нас по единому безприкладному милосердию Твоему; зане от дел наших ниже следа спасения имамы, но чаяние праведныя мести и отлучения от Пресветлаго лица Твоего; аще бо и о единем празднем глаголе взыскано будет в день суда и испытания, о неизченых наших беззакониях, имиже согрешихом пред Тобою, кий, бедний, имамы воздати ответ? Сего ради весьма от дел наших отчаявшеся оправдания, ко Твоей единей, всяк ум и всяко слово превосходящей, прибегаем благости, юже аки твердое основание надежды имуще, молим Тя: согрешихом, очисти, Господи! беззаконновахом, прости, Владыко! прогневахом Тя, примирися, Долготерпеливе, и сохрани прочее: ум, совесть и сердце наше от скверн мирских, избави и спаси ны от многомятежныя бури страстей и грехопадений, вольных же и невольных, ведомых и неведомых, и в тихое управи пристанище веры, любви и упования жизни вечныя. Помяни нас в милости Твоей, Господи, даруй нам вся, яже ко спасению, прошения, паче же чистое и безгрешное житие: сподоби нас любити Тя, и боятися от всего сердца нашего, и творити во всем волю Твою святую, молитвами Пречистыя Владычицы нашея Богородицы и всех святых Твоих, яко Благ и Человеколюбец Бог еси, и Тебе славу и благодарение и поклонение возвыляем, со Единородным Твоим Сыном, и со Пресвятым и Благим и

Животворящим Твоим Духом, ныне и присно и во веки веков. Аминь.

Молитва Богу Сыну

Единородне Сыне и Слове Божий, изволивый нашего ради спасения воплотитися и смерть претерпети, ныне же, и с пречистою плотию Твою, на небесех на престоле со Отцем седяй и всем миром управляй, не забуди милосердием Твоим нас, долу сущих и многими напастьми и скорбьми искушаемых, иже аще и весьма нечисти и недостойни есмы, но в Тебя, Спасителя и Господа нашего, веруем и иного Ходатая и надежды спасения не вемы. Подаждь, о Искупителю Всеблагий, да памятуем выну, коликух мучений души и тела Твоего потребно бяше, во еже удовлити за грехи наша вечной правде Отца Твоего, и како даже до ада со Креста низшел еси пречистою душою Твою, да нас власти и мучительства адова свободиши: памятующе же о сем, да блюдемся от страстей и грехов, бывших виною лютых страданий и смерти Твоей, и да любим правду и добродетель, еже всякаго дара Тебе в нас приятнейше есть. Яко искущенный по всяческим, Сам веси, о Всеблагий, коль велика есть немощь духа и плоти нашей, а враг наш силен и злочитр, яко лев рыкая ходит, иский кого поглотити: не остави убо нас Свою всесильною помощью и буди с нами выну, храня и покрывая, наставляя и укрепляя, радуя и веселя дух наш. Мы же, на лоно любви и милосердия Твоего повергающеся, весь живот наш, временный и вечный, Тебе предаем, нашему Владыце, Искупителю и Господу, моляще из глубины души, да, имиже веси судьбами, сотвориши нам прейти безбедно мрачную жития сего земнаго юдоли и достигнути Богокраснаго чертога Твоего, егоже обещал еси уготовати всем, верующим во имя Твое и последующим Божественным стопам Твоим. Аминь.

Молитва Богу Духу Святому

Царю Небесный, Утешителю Всеблагий, Душе истины, от Отца предвечно исходяй и в Сыне выну почиваяй, независтный Источниче дарований Божественных, разделяя их кое-муждо, якоже хощеши. Имже и мы, недостойни, освятихомся и назнаменани есмы в день крещения нашего! Призри на молитву раб Своих, приди к нам, вселися в ны и очисти души наша, да будем уготованы в жилище Пресвятыя Троицы. Ей, о Всеблагий, не возгнушайся нашей нечистоты и ран греховных, но исцели я всеврачующим помазанием Твоим. Просвети наш ум, да разумеем суету мира и яже в мире, оживи нашу совесть, да неумолчно возвещает нам, яже подобает творити и яже отметати, исправи и обнови сердце, да не источает прочее день и нощь помышлений злых и желаний неподобных, укроти плоть и угаси росоносным дыханием Твоим пламень страстей, имже помрачается в нас драгоценный образ Божий. Духа праздности, уныния, любоначалия и празднословия отжени от нас, подаждь же нам духа любви и терпения, духа кротости и смирения, духа чистоты и правды, да, исправивше разслабленная сердца и колена, неленоство течем по пути заповедей святых, и тако, избегающе всякаго греха и исполняюще всяку правду, сподобимся улучити кончину мирну и непостыдну, внити в Иерусалим Небесный и тамо покланятися Тебе, купно со Отцем и Сыном, поюще во веки веков: Троице Святая, слава Тебе.

Молитва Пресвятой Троице

Пресвятая Троице, единосущная державо, всех благих вина! Что воздадим Тебе за вся, яже воздала еси нам, грешным и недостойным, прежде, неже на свет произыдохом, за вся, яже воздаешь коемуждо от нас по вся дни и яже уготовала еси всем нам в веце грядущем? Подобаше убо за толикия благодеяния и щедроты благодарити Тя, не словесы точию, но паче дела, хранящие и исполняюще заповеди Твоя: мы же, страстем нашим и злым обычаем внемше, в безчисленныя от юности низвергохомся грехи и беззакония. Сего ради, яко нечистым и осквер-

ненным, не точию пред Трисветлое лицо Твое безстудно явитися, но ниже имени Твоего Пресвятаго изреши довлеяше нам, аще бы не Ты Сама благоизволила во отраду нашу возвестити, яко, чистыя и праведныя любящи, и грешники кающаияся милуещи и благоутробне приемлеши. Призри убо, о Пребожественная Троице, с высоты святыя славы Твоей на нас, многогрешных, и благое произволение наше вместо благих дел приими, и подаждь нам духа истинного покаяния, да возненавидевше всякий грех, в чистоте и правде до конца чистыми помыслы и благими деяными славим сладчайшее и великолепное имя Твое. Аминь.

Молитва иная Пресвятой Троице

Всемогущая и Животворящая Святая Троице, и Светоначальная, яже всякую и премирную тварь за едину благость от не сущих приведый, и промышляя, и содержащи, иже по прочих Твоих неизреченных о земнем роде благодеяниих, и покание нам ради плотского неможения до смерти даровавый! Не остави нас, окаянных, в лукавых наших деяниих умрети, ниже злочачальнику и завистцу, и губителю посмешество быти. Зриши бо, Благосерде, елико убо онаго на нас навет и вражда, елико же и наше страстование, и слабость, и небрежение. Но неоскудныя

Твоя благости соделай на нас, молим на всякий день и час прогневающие Тя честных и животворных заповедей преступлением. И вся убо всего прешедшаго живота нашего и до нынешняго часа согрешенная нами в деяниих, или глагол а-ниих, или в помышлениих, остави и прости. Сподоби же нас прочее скончати житие в покаянии и умилении и соблюдении святых Твоих повелений. Аще убо сладостию прельстившеся, многообразне согрешихом, или мерзкими похотьми, неполезными и вредными, обольстившеся препроводихом; аще гневом и яростию подвигшеся безсловесною, кого брата нашего оскорбихом; аще языком неизбежных и стропотных и крепких сетей обязахомся; аще коим чувств наших и всеми, волею или неволею, ведуще или неведуще, от восхищения или поучения безумно поползохомся; аще же лукавыми помыслы и суетными совесть осквернихом; аще ли коим другим образом прегрешихом, от предприятия и обычая томими зело, прости нам и остави вся, Всещедре, Преблаже и Многомилостиве, и даруй нам прочее бодрость и силу, во еже творити волю Твою, благу и благоугодну, и совершенну, да нощнаго и мрачнаго зла световидным покаянием пременьшеся, и яко во дни благообразно ходяще и очищени обявимся человеколюбию Твоему недостойний, воспевающе Тя и величающе во веки. Аминь.

Молитва первая ко Господу Иисусу Христу

Господи святый, в выших живый и на смиренныя призирай, и всевидящим оком Твоим призирай на всю тварь! Тебе преклоняем колена душ и телес наших и молимся Тебе: простри десницу Твою невидимую от святаго жилища Твоего, благослови люди Твоя, Тебе молящаяся и от Тебе великия и богатыя милости ожидающая, и, яко Благ и Человеколюбец, дела рук наших исправи, даря нам мирная и премирная благая Твоя. Яко Твое есть еже миловати и спасати нас, и Тебе славу возсыпаем, со Безначальным Твоим Отцем и Животворящим Твоим Духом, ныне и присно и во веки веков. Аминь.

Молитва вторая ко Господу Иисусу Христу

Господи щедре и милостиве, долготерпеливе и многомилостиве! Услыши молитву нашу и вонми гласу моления нашего, сотвори с нами знамение во благо, настави нас на путь Твой, еже ходити во истине Твоей, возвесели сердца наша; во еже боятися имени Твоего святаго. Зане велий еси Ты и творяй чудеса, Ты еси Бог един, и несть подобен Тебе в бозех, Господи, силен в милости и благ в крепости, во еже помогати и утешати и спасати вся уповающая на

имя святое Твое. Яко Бог милости и щедрот и человеколюбия еси, и Тебе славу возсылаем, со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь.

Молитва третья ко Господу Иисусу Христу

Благий Человеколюбче, премилосердый Господи, недуги наша понесый и ранами Твоими нас исцеливый! Пред Твоим величеством рабски припадающе, смиленно молимся: призри, Благосерде, на рабы Твоя, и якоже древле исцелил еси разслабленного, тридесять осмь лет в недузе своем лежавшаго, тако ныне, Целителю Благий, милостию и щедротами Твоими рабы Твоя посети. Ты убо разслабленному древле рекл еси: востань, возьми одр твой и ходи. Темже и мы, грешни и недостойни раби Твои, на Божественныя Твоя словеса сия надеющиеся, пред Твоим же Величеством смиленно припадающе, Твое Божественное милосердие и неизреченное человеколюбие умилльно просим: отверзи нам двери милости Твоей и прости вся согрешения наша вольная и невольная, имиже Твою благость прогневахом и Твое человеколюбие раздражихом; уврачуй нашу болезнь греховную, недуги наша душевныя и телесныя во здравие претвори, немощи в силу преложи, печали в радость и скорби в утешение премени; отими от нас всякое уныние и забвение, ум наш укрепи и цел соблюди, во еже всегда в заповедех Твоих поучатися; вся уды наша исправи, во еже волю Твою благую и совершенную творити. Ты бо еси Целитель благий, Воздвижение немощным, болящим Врач, недужным Исцеление, здравым здравия Хранитель, и Тебе славу возсылаем, со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь

Молитва четвертая ко Господу Иисусу Христу

Владыко Человеколюбче, Господи Иисусе Христе Боже мой, да не в суд ми будут Святая сия, за еже недостойну ми быти; но во очищение и освящение души же и тела, и во обручение будущия жизни и Царствия. Мне же, еже прилеплятися Богу, благо есть, полагати во Господе упование спасения моего. Аминь.

Молитва пятая ко Господу Иисусу Христу

Благодарю Тя, Господи Царю всех, царствующаго небом и землею и преисподнею, благодарю Тя, Безначальне, Всесильне Царю Вседержителю, благодарю Тя, Преблагий Всемилостивый, Наставниче заблуждшим, на землю с небес сошедший и воплотившися от Девы Марии, нашего ради спасения, и бывый един Бог и Человек подобен мне, кроме страстей и всякаго греха, не привидением же, но истину безстрастный неправедно от беззаконник пострадавый, да безстрастие мне осужденному за множество грехов моих подаси. Пою Твое неизреченное долготерпение, Господи; величаю неисповедимое смотрение Твое, славлю Твою безмерную милость, имиже преклонься, мене, осужденного, оправдал еси. Покланяюся страстем Твоим, имиже аз безчестнейших пременихся страстей; лобызаю Твой Крест, имже мой грех осудил еси и от смертнаго осуждения мя свободил еси; лобызаю гвозди оныя, имиже клятвы потребил еси запрещение; целую язвы, имиже моего преслушания уврачевашася язвы. Целую трость, еюже подписал еси сбережение и еюже строптиваго змия уязвил еси главу; целую копие, мое рукописание растерзавшее и безсмертия источник отверзшее; целую губу, напоенную оцта и ко пречистым Твоим принесенную устом, еюже преслушания моего горькое во сладкое претворися. О неизмеримая глубина милосердия Твоего, Христе Спасителю наш! Темже смиленно со благодарением Ти припадаем, и Животворящему Твоему кресту, имже нас спасл еси от работы врагу, любезно кланяемся. Исповедуем, яко Ты еси един свят, един крепкий и един жизнодад-

вец, и на всех имаши волю прикладну. Тобою, Господи, дается на диавола и на его воинство крепость, и Тебе славу возсылаем, со Безначальным Твоим Отцем, и с Пресвятым и Благим и Животворящим Твоим Духом, ныне и присно и во веки веков. Аминь.

Молитва шестая ко Господу Иисусу Христу

Владыко Христе Боже, Иже страстью Своими страсти моя исцеливый и язвами Своими язвы моя уврачевавый! Даруй мне, много Тебе прегрешившему, слезы умиления; сраствори моему телу от обоняния Животворящего Тела Твоего, и наслади душу мою Твою Честною Кровию, от горести, еюже мя сопротивник напои; возвыси мой ум к Тебе, долу поникший, и возведи от пропасти погибели: яко не имам покаяния, не имам умиления, не имам слезы утешительныя, возводящая чада ко своему наследию. Омрачихся умом в житейских страстех, не могу воззрети к Тебе в болезни, не могу согретися слезами, яже к Тебе любве. Но, Владыко Господи Иисусе Христе, сокровище благих, даруй мне покаяние всецелое и сердце люботрудное во взыскание Твое, даруй мне благодать Твою и обнови во мне зраки Твоего образа. Оставил Тя, не остави мене; изыди на взыскание мое, возведи к пажити Твоей, и сопричи мя овцам избранного Твоего стада, воспитай мя с ними от злака Божественных Твоих Таинств, молитвами Пречистыя Твоей Матере и всех святых Твоих. Аминь.

Молитва седьмая ко Господу Иисусу Христу

Господи Иисусе Христе, Боже мой, посещаяй тварь Свою, Ему же явлены страсти моя и немощь естества нашего человеческого и крепость супостата нашего! Ты

Сам покрый мя от злобы его, зане сила его крепка, естество же наше страстно и сила наша немощна. Ты убо, о Благий, ведый немощь нашу и носяй неудобство безсилия нашего, сохрани мя от смущения помыслов и потопа страстей, и достойна сотвори мя службы Твоего святыя, да не како в страстех моих растлю сладость ея, и обращуся безстуден пред Тобою и дерзостив. Господи, пресладкий мой Иисусе, помилуй и спаси мя. Аминь.

Молитвы Господу Иисусу Распятому

Молитва первая

На кресте пригвожденный за ны, Иисусе Христе, Единородный Бога Отца Сыне, милости, любви и щедрот неисчерпаемая бездно! Вем, яко грехов ради моих, от неизреченного человеческого любия, кровь Твою пролияти на кресте изволил еси, юже аз, окаянный и неблагодарный, доселе скверными моими делы попирах и нивочтоже вменях. Тем убо из глубины беззакония и нечистоты моя умныма очима на распятаго

Тя на кресте Искупителя моего воззрев, со смирением и верою во глубину язв, Твоего милосердия исполненных, себе повергаю, грехов прощения и сквернаго жития моего исправления прося. Милостив буди мне, Владыко и Судие мой, не отрини мя от лица Твоего, но всесильною Твою рукою Сам мя к Тебе обрати и на путь истиннаго покаяния настави, да отныне положу спасения моего начало. Божественными страданьями Твоими укроти мя плотские страсти; излияникою Твою кровию очисти мя душевныя скверны, распятием Твоим распни мя миру с его соблазнами и похотьми; крестом Твоим огради мя от невидимых враг, ловящих душу мою. Прободенными ногами Твоими от всякаго пути лукаваго возбрани ногам моим; прободенными руками Твоими руце мои от всякаго неугоднаго Тебе дела воздержи. Пригвожденный плотию, пригвозди страху Твоему плоть мою, да уклонився от зла, творю благо пред

Тобою. Преклонивый главу Твою на кресте, к земли смирения преклони вознесенную мою гордыню; венцем Твоим терновым огради моя ушеса, во еже не слышати неполезнаго; желчь устами вкусивый, положи хранение нечистым устом моим; отверстое копием имеай сердце, сердце чисто во мне созижди; всеми Твоими язвами, всего мя сладце в любовь Твою уязви, да Тебе, Господа моего, возлюблю всею душою, всем сердцем, всею крепостию и всем помышлением. Даждь ми Себе странна и неимуща где главы поклонити; даждь ми Себе Всеблагого, избавляющаго душу мою от смерти; даждь мне Себе Всесладкаго, услаждающаго мя в скорбех и напастех Свою любовию, да Егоже первее ненавидех, прогневлях, от себе изгонях и ко кресту пригвождах, сего ныне возлюблю, радуяся приimu и сладце крест Его до конца жизни моей понесу. Не даждь отселе, о Всеблагий Иисупителю мой, не единой моей воли соверша тися, понеже зла есть и непотребна, да не паки впаду в тяжкую работу царствовавшаго во мне греха, но Твоя воля благая, спаси мя хотящая, да совершается во мне всегда, ейже мя вручая, Тебе распятаго Господа моего умным очесем моего сердца представляю и молю из глубины души, да и в разлучении моем от бренного моего тела, Тебе единаго на кресте Твоем узрю, в руце мя защищения Своего приемлюща и от воздушных духов злобы храняща, вселяюща же со грешники, покаянием Тебе благоугодившими. Аминь.

Молитва вторая

Господи Иисусе Христе, Сыне Бога Живаго, Творче неба и земли, Спасителю мира! Се аз, недостойный и паче всех грешнейший, смиренно колена сердца моего пред славою величества Твоего преклонив, воспеваю крест и страдания Твоя, и благодарение Тебе, Царю всех и Богу, приношу, яко благоизволил еси вся труды и всякия беды, напасти и мучения, яко человек понести, да всем нам во всяких печалех, нуждах и озлоблениях состраждущий Помощник и Спаситель будешি. Вем, Всесильне Владыко, яко вся сия Тебе убо не быша потребна, но человеческаго ради спасения, да всех нас искупиши от лютыя работы вражия, крест и страдания претерпел еси. Что убо вузам Тебе Человеколюбче, о всех, яже пострадал еси мене ради грешнаго? Не вем, душа бо и тело и вся благая от Тебе суть, и вся моя Твоя суть, и аз Твой есмь. Точию на безчисленное Твое, Благоутробне Господи, милосердие надеяся, пою Твое неизреченное долготерпение, величаю неисповедимое истощание, славлю Твою безмерную милость, покланяюся пречистым страстем Твоим, и вселюбезно лобызая язвы Твоя, вопию: помилуй мя, грешнаго, и сотвори, да не безплоден будет во мне Крест Твой святый, да причащаюся зде с верою страданием Твоим, сподобилюся видети славу Царствия Твоего на небеси! Аминь.

Молитва воскресшему Спасителю

Слава Тебе, Господи Иисусе Христе, Боже мой, яко паки сподобил мя еси недостойнаго, прешедша поприще святаго поста, поклонитися Божественным страстем Твоим и видети все радостный день преславнаго из гроба воскресения Твоего, воньже свободил еси сущия во аде от век связанныя души праведных. Тоя божественные свободы духа и плоти дражайший Спасителю мой, и аз желаю, да разреши мя, связана суща многими грехи, и да сотвориши возсияти живоносному свету воскресения Твоего во мрачней души моей; вижду бо безчисленные щедроты и неизреченное человеколюбие Твое, яко не точию от небытия в бытие мя привел еси, и образа Твоего подобием украсив, всея дольния твари владыку поставил мя еси, но и посем падша с высоты и врагу поработившася, не оставил еси, но, искупив мя безценною кровию Твою, благодатию крещения снабдил мя еси, да востеку на первое достояние. Аз же, окаянный, запят быв умом плотским, обратихся вспять и паки раб сотворихся греха и страстей, донележе един по единому погубих вся дары благодати Твоей. И ныне убо, что сотворю, не вем; обаче помянув глаголы пречистых уст Твоих, яко не пришел еси призвати праведники,

но грешники в покаяние, и аз, яко един от сих, с верою и смирением прихожду к живоносному гробу Твоему, не ароматы и воню мира носяй (наг бо есмь и пуст благих дел), но паче надежду имый обрести в нем прощение грехом моим и обновление нечистому житию моему. Призри убо на мя кающаяся и служити Тебе хотяща, и не отрини от благодати воскресения Твоего! Живоносною смертию Твою и погребением умертви моя лютыя страсти, да, яко мертв и погребен, живу в мире сем. Преславным востанием Твоим воздвигни мою душу, умерщвленную грехи, и оживи совесть, еяже ничтоже в мире нужнейше есть. Вознесением Твоим отторгни мя от суетных и душетленных благ земных, и сотвори мя горняя мудрствовати, яко да не кому себе живя и угождая, но Тебе, Господу и Богу моему, служа и работая, якоже сподобихся поклонитися воскресению Твоему на земли, тако сподоблен буду видети Тебе, дражайшаго Искупителя моего, и на небеси, за приятие смерти крестная славою и честию венчана, и став одесную величествия Твоего, со Архангелы и Ангелы, и со всеми искупленными Тобою братиями моими, во веки веков пою Тебе: Аллилуя. Аминь.

Молитвы Иисусу Сладчайшему

Молитва первая

Согреших, беззаконновах и не оправдихся пред Тобою, Преблагий Владыко, преступих спасительныя Твоя заповеди и священныя обеты моя, яже во святом крещении пред святым Твоим жертвенником, пред Ангелы же и люди сотворих; преобидех честную кровь завета Твоего, еюже освятихся, общение искупления прием: дух благодати обезчестих, страшного же и преестественного сыноположения небрекох; всякое писание, Божественный закон и учение Богодухновенное, ударения воздуха тщая, и вещания едина токмо деяний пустая во мне вмениша; именем токмо и словесы честное Евангелие истинного христианства окаянный содержу; руце имам ко всякому хищению и лихоимству прилежны; нозе же скоро и дерзостно ко всякой неправде зле текущия, готовы часть братнюю восхищати и попирати, снедающе убогих; уста священных молитв и слова Божия орган, всякия нечистоты, суесловия и клятвопреступления, бесом сотворих во орган; очи и вся моя чувства, блуждения и всякаго сквернения пре- множеством исполних; во мне царствующаго ума Божественное благодати семя поправ, и уды Твоя, Христе, блудничи уды сотворив, вместо храма Божия, тли и всякия нечистоты хранище обретохся.

Конец ознакомительного фрагмента.

Текст предоставлен ООО «ЛитРес».

Прочтите эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.